

同里志卷之二十一

人物志十二

雜錄

雜錄一書邑志有名雜錄有名雜志有名叢談同里續先哲志又名雜記書不一其名凡雜言雜事可總名之曰雜錄但非關風化不係治忽者概置弗錄也志雜錄

宋

宋時有所謂特奏名者開寶中詔禮部閱進士及十五舉嘗終場者賜本科出身謂之恩科淳祐中邑之同里有魏汝賢者為特奏名狀元人不知特奏之義謂

同里志

卷二十一

雜錄

一

是副榜者非也

見書隱叢說

元

徐孝祥所居茅屋數椽不求完美一日步至後園見樹根一坎坍塌視之下有石甃更啓視皆白金也乃意掩之一毫弗取人無知者幾三十年值至治壬戌歲大荒民不聊生孝祥曰是物當出世耶乃發之取以收糴散給貧人全活不可勝計物盡乃止女將適人惟荆布遺之藏中物錙銖無犯

見顏光衷丹桂籍註

明

明初陸仲和富甲吳中以踰制為太祖抄沒其子弟誅夷殆盡止一幼孫僅存戶名陸官奴家於謝里村同

里陸氏皆胎源於此見陸恒

陳某者洪武時為序班一子駿甚妻梁氏有國色知書

善吟時周莊顧學文者沈萬三贅壻也知而慕之因

以稅長挈舟往來常泊其河下梁亦窺視焉學文乃

賂惡少年誘其夫飲博而使媪持異飾挑之遂成私

約序班兄知之使童子竊其私書莫志云兄號陳縮頭顧寄書至以松

月圖書署尾梁覽畢捲成紙撚置燈檠下隨為童子竊去縮頭補綴成幅寄序班思有以

中之及藍玉事發序班從旁誣奏學文與藍通謀詔

捕獲之詞連父妻姻黨莫志云父常弟學禮學敬妻族沈旺沈德全沈昌年沈文

規文矩文衡文載文學沈海皆萬三後及其讎七十二家莫志云殷轉

相援引并及處士張璫侍郎莫禮員外郎張瑾主事

同里志 卷二十一 雜錄 二

李鼎崔齡徐衍等不下千家黨禍大起至五六年乃

息梁亦被父逼令縊死本邑志下二傳同

宣德三年兵部發軍衛歲報軍之故疾逃亡名籍下蘇

州府查核府委同知張徽清解徽刻深敢忽所治皆窮

竟根抵凡戶絕無丁者解同姓昆弟之子若孫同姓

盡則女壻無女壻則軍產有佃軍田不及一畝而繼

補其役甚至為軍胎之名謂軍妻更適人所生也巧

誣深詆每引審輒謂曰爾欲為鬼乎為軍乎於是人

皆望風誣服退而自經林木者相望也徽又以吳江

當孔道多達官往來恐不使其所為乃住同里鎮縣

官及吏忤空一縣從之民被誣為軍者四百七十三

名而被殺被逼死者不可勝紀

正統初布政使何源致仕家居一日詣府謁知府况鍾青袍角帶從東角門入閩人不識厲聲呵之源曰吾致仕官煩爲通報閩者曰汝官不過丞簿耳源曰不止此曰豈同知通判乎曰不止此曰然則太守乎曰亦不止此閩人驚疑徐曰江西布政使也旣報鍾出肅入成禮而別挽之由中道不從請乘車亦不從徒步而退前輩厚德如此今人鮮能及也

吳驥先哲志謂梁時雖席父兄之業不尙紈綺之好旣罹家禍安貧晏然則時故富家子也而劉鳳先賢贊言時父初以博得婦生時逾歲博負人攜之去時少

同里志

卷二十一

雜錄

三

則隨母長乃走會稽山中讀書此委巷流傳之語不足信也又驥所云罹家禍與徐志遭家籍没相合昔吳中黨禍起於梁氏豈時卽梁氏之族而株連及禍

者耶

本獻集

顧綸字廷言號雲居父宏載忠孝傳綸弱冠卽補邑諸生屢應鄉試不第入太學掃室讀書結納賢士嘗以不獲科第爲憾宏治十年謁選授浙江按察司知事內艱服闋補官臬省未幾於正德二年七月卒於官長子文鳴爲吳文定寬孫女婿其墓也文定誌其墓惜其位不盈材年不滿德志不行於世而謂苟假以年則清朝赤子未必無所賴焉則綸之宦蹟可知矣

平顧  
譜傳

宏治末同里龐山庵村三處一夕謔言海上掠童男女  
充祀事抱嬰兒走望門投匿太學生王明別業龐山  
空廩數十間須臾填滿氣窒人幾死有頃謔言定明  
疾呼出之莫知所自是歲崇明賊施天泰叛入海中  
動一郡之衆甫歲乃平

本邑志

顧文翰字子良號浣溪性耽書足不出戶庭誨人嚴肅  
從遊者曰衆嘗與門人子弟共赴歲試姪曾唯冠軍  
子曾瑜第二三四一係文翰甥一係門人文翰居第  
五發落時首唱曾唯會唯前謝曰第五名爲曾唯受  
業叔父不敢先次唱曾瑜曾瑜則曰第五名係曾瑜

同里志

卷二十一

雜錄

四

父三四一以受業舅氏謝一以受業門人謝俱不敢  
占先於是學道起揖文翰而言曰使者初蒞江南卽  
聞雅望閱試藝已見一班今觀教澤更足深人景仰  
倍賞而退

本吳賢  
續傳

顧曾志字養卿號沅湘邑諸生尋例入太學萬歷戊子  
偕其子自植同赴省試自植預薦賀客踵至曾志喜  
而謝之已而大慟客怪問之曰吾攻苦三十年不售  
今徼福祖宗而子以成名詎非大幸而吾未伸之志  
終不得釋也已復大慟客爲改容先是里中豪強或  
陷之役曾志謁令侯求減其半俄報自植魁畿薦第  
三人令欲爲曾志盡免之曾志曰業已奉役徼薦而

免非義也令乃歎服

本顧汝敬志稟

馬神徵字劍巖居鄉誠謹居官清慎崇禎十六年小東門外長壽菴中許尼姑善伏陰一日在冥府遇見馬神徵曰我在同里富觀橋住玉帝以我在陽間爲官正直特命我爲浙江紹興府城隍今蒞任在卽有家信一封煩寄我長兒馬捷尼姑伏陰轉臂上突有黃紙字一函卽持奉馬家捷拆函看一句不見一句其畧云我於今某月日由家鄉赴任紹興要叫家人某某三人隨去推郎我領在身邊讀書三年後當仍遣歸捷謹遵字中月日屆期廳上虔奉神像舉家拜禮捷女笑曰見神見鬼言未畢黑暗中從面頰一揮驚

同里志

卷二十一

雜錄

五

倒越五更大廟橋處吆呼數回鑼聲震野至天明家中三人門上各一大硃圈逾三日三人齊沒三年後捷得一子貌果如前

本邑志

陸雲祥爲掖縣令歸家貧甚夜無膏火恒暗中靜坐其妻姪顧凡省之述於人以爲笑不知此乃清節之不可及

可及

參章志陸譜傳

嘉靖中寶帶橋海潮突至散入同里潮漸衰如是者三日江豚數百隨潮上下耆幼皆異之相傳此水故與海接潮沙如婁江陳黃門侍郎顧野王見潮至一喝而却是後潮竟不至土人稱爲喝潮王祀之

本邑志一條

同

崇禎中顧之後朱鶴齡等十五人結蘭社每月一會課  
陳元龍與吳載穎更番具膳爲主人果茗酒肴備極  
豐腆又嘗招馮孟韶品簫唱曲以侑之夜分而散邑  
中傳爲盛事

同里近村某多子而悍將爲盜父禁之不可乃佯許之  
令市酒肉俟醉飽出劫密置毒酒中父子共飲而斃

王景亮

原名珮

本非中丞王哲之後及第後與中丞後聯

譜遂序入景字輩改名景亮明末殉難於閩中縣志  
有傳其後人衰落不振墓道亦荒涼莫辨中丞族孫  
錫江寧罷官以後力行興廢修祖墓立祠堂叙族譜  
因訪景亮墓道得之於荒榛叢莽中其棺已朽上有

同里志

卷二十一

雜錄

六

大樹縈繞昇其樹窈處儼然而白骨嵌懸樹根間爲  
哀而葬之立碑道左歲設祀焉噫孟郊云樹根鎖枯  
棺孤骨裊裊懸言之不黯然乎設景亮無聯譜之事又  
誰爲之尋其墓而葬其骨於寒烟衰草之中乎

說

見書  
隱叢

前明三百年科第終於崇禎癸未邑人成進士者得八  
人焉明亡王景亮死節於閩 死於肇慶龐霖

孫志儒趙庾鈕應斗竝以全節終

本邑志

大清

顧世梓與嚴振先趙潛皆好奉佛嘗結蓮社於梅園買  
地築室名小祇園園中有池卽以爲放生之處延僧

住持時偕同志諷經其中後園廢而池亦廢中有大魚每出則小魚隨之里中 年竭澤而漁卒不獲一世梓子開字若仕作神魚人不見詩紀之

參續先哲志顧譜傳

順治庚子冬周國新夢見嗣母顧節母霞衣霓裳面多

神采詢之則曰我以守節好善蒙紫府錄爲使者

顧本

偉異夢述

顧偉族人有信形家言欲於東溪下流築一堤者事垂成矣偉力言其不可乃中止康熙九年颶風大作縣城平地水深八九尺遂自浮玉洲橋冲至同里賴堤

未成水得暢洩否則一里皆漂溺矣

本采錄同里志

戴笠卒鄉人夢其爲神有畫舫輿從鼓樂迎之者

本續先哲

同里志

卷二十一

雜錄

七八

志

陸瑤曰常作飢想食不求豐常作寒想衣不求鮮常作病想隨時檢攝常作困辱想切忌一朝之忿常作不如我想貧賤中得自寬解

見東江集

康熙丙辰無錫太史周宏至同里爲族氏學使爰訪封翁祚新七旬稱慶酒後隱几夢族叔五善立於前曰余乃君之前身也宏覺而異之計已所生年月日時與五善卒之年月日時合以此觀之佛家後有夙根之說洵不誣矣此可爲讀書者勸

見章氏筆記周譜傳

康熙丁未夏有刮石香爐屑爲仙丹者病人服之立愈始於平望殊勝寺凡石几石柱可刮者罔擇焉而同

里仁濟道院則以楊姓者得夢於是刮石者鱗集復有童子於味爽時見眞武被髮伏劍冉冉投井中去四方驚異求仙丹者靡不汲井水矣

本陸瑤  
仙石說

秦均卿平望鎮人爲任德成家僕康熙壬寅德成子思謙四歲偶以舉綆墮井家人莫之知也已而起視井中則見一魚負思謙立水上秦奮不顧身遽揭井闌石緣竹而下背負思謙出里人聞之俱稱義僕云秦素厚重道遇遺金俟其人還之每與人談孝義事聞其言多感激從善者年七十而卒

本任思謙  
撰傳

顧宗亮字無爭號太冲戒子孫曰極閒不可觀賭博極戀不可興訟雖有深仇不可陰謀卽欲利己切忌損

同里志

卷二十一

雜錄

九

人此數語眞可爲格言也凡人當寫置座右子尊燾

載藝術傳

見意中  
山房集

里有舊族子素無行沒數年矣其姊適吳門某一日忽見其弟來家索食且謂姊曰吾以生前罪孽墮輪迴劫三世爲猪因備言爲猪之苦方在苙時歷歷曉人道屠戮後痛楚異狀直至爲人下咽始忘之耳少頃

別去其姊驚眩半晌方甦

見東江集

馬夔陳沂迴家僕也妻金氏沂迴夫婦死遺孤士醇方八歲沂迴兄弟四人俱奔走衣食獨夔夫婦以撫孤爲己任維持調護以至成人後士醇妻張氏死遺孤方四歲士醇屢客京邸夔夫婦又撫而長之人皆稱



其義云 本邑志

按族叔祖脊義僕詩序及陳氏子姓所述云土醇父子俱少孤及長俱至成立金氏之力居多後土醇季子毓誥字掌綸買地葬義僕馬夔夫婦卽遣子姪拜送於墓所夔一子啞又爲之娶室成家惜啞夫婦俱早卒無子毓誥又爲之喪葬馬氏香火至此絕矣陳氏爲之歲時享祀至今不替有不忘其撫育之恩云

范邦俊字文卿明季諸生康熙十一年卒踰月忽有浙人來訪且致弔奠自言某死至冥司謁一城隍神釋回旁持簿吏謂曰賞若死者同里范某也於是遂甦

同里志

卷二十一

雜錄

十

云 本周音詩序

倪兆鶴字瑞徵其父嘗買地欲葬其親先種樹樹已拱而貧不克葬兆鶴拮据成父志生平好爲善事橋有圯則募修之道有殓則募掩之時或助以已錢嘗適野有過客凍而仆者氣僅屬伏而噓其口負至僧寺所得灌之蘇有儒家子童昏而窮餓莫有憐者爲言於僧爲齋厨司火且具衣帽送之僧欲飾廟宇囑爲領緣兆鶴曰此猶可緩者事以有濟生人爲急耳死後有大姚人到冥中見土地上任卽倪某也 本間音撰傳

何源墓在移定畢圩有碑跌盜稻爲人椎去其首又泥字圩龐氏門首有石狗埋於土中其首稍出地上人

踐之光澤月夜往往聞吠聲有人以泥泥其面自後無聲此類他處頗多夫成形之物爲日月精華所燦風雨元氣所呵故爾聲形或異卽所云氣以成形也然所受者到底戾氣非正氣故時隱時見耳

見書隱叢說下

二條同

雍正元年王棣臨終前數日神識昏瞶中忽自嘆曰不謂文沂姪遭此一變也

時文沂在都應試

傍人訝之急問所謂乃曰汝輩尚不知耶越日而沒殮畢文沂凶問至焉嘆語之時乃文沂在都已物故矣嗟乎與死相隣之際聲息相通如是之速耶

王棣妻龔氏幼有孝行母龐氏患瘵疾卧床三載後至

同里志

卷二十一

雜錄

十一

骨立所尤苦者尻骨觸席卽心如剌痛龔氏乃跪於床以手捧而離席患乃稍安如是者一載有餘跪捧者日夜不釋也易篋後哀毀逾禮又因積勞之後目爲不明然但痛母而不痛目也逾時忽明孝行之感格如此宜其食報於子孫者且無窮也

雍正十一年三月里中秬穰圩南面地名竹行頭忽有一癡道往來口唱云一箇人兩箇卵子盧邊起江家止後忽不見不知所之未一月火災至適自盧家起江家止方知前日癡道口唱乃爲火起之讖也

顧石山脫畧形跡以詩酒自豪偶過長橋見一黃冠手攜籐籃舉趾輕捷目石山而言曰子盍從我遊乎旋

又曰今無及矣遽別去石山方悟籃覆新荷隆冬得此其爲仙人無疑然已無從覓矣歸而耿耿越三日

卽辭世

見花市  
續譜

同里湖濱有羅星洲往來必需舟楫終患其跋涉乾隆癸亥謀以土填埂往來可不煩舟楫里人袁棟作募疏文用俳偶體有曰孤懸尺土島念 斗絕彈丸

境憐徐福又曰布金滿地看沙堤京兆之已成沉壁

祈天羨縮地壺公之有術自念用事之恰當也

見書  
隱叢

說下  
一條同

羅星洲寺垣後蘆葦淺澁中忽置一棺表某一家僕偶

過其旁從而訝之曰是人所日經之地且非置棺之

同里志

卷二十一

雜錄

十二

所其形狀位置俱屬可疑意以爲必是盜所埋貲也心爲之動返棹時毅然作艤舟之計一掀篷間忽然面前昏黑頭目旋暈以是而止他日聞有人偶爲風蕩直至棺邊意亦生疑試手探之得一囊焉欲繼取之手如膠粘不能舉不日卽爲官捕搜獲而去信哉得失之有命也幸得之者多寡亦有命也

王本臨終數日前告其弟杰曰余將逝矣昨假寐時有古衣冠人叩於前曰眞君有請余辭不往後兩夜復來挾之至一所見有堂陛多人跪於下命余亦跪點名及余傳言曰汝生平有邪行乎余曰無有機械乎余曰無有人不足乎余曰余家貧欠債不得時還或

有之耳復傳言曰信子有素矣今奏一職以示勸懲又兩夜忽傳接旨見一幅書有勅命二字又有兩行天上中書人間逸老八字誠之曰須擇潔淨處懸之以勸善

見王錫撰傳後識

癸亥秋有相士謂袁某曰君明年九月十一日當有災難慎勿動作甲子九月初十日袁潢病少間某擬於十一日啓行入省武闈就試因憶前年相士之言且緩一夕十二日五更治食有婢忽然仆地氣絕極力拯救踰時始甦方謂九日之災雞犬可代不謂某入省後卽疾發急作歸計不及抵家沒於丹陽舟次相士之言倖而偶中云

兄書隱叢說下三條同

同里志

卷二十一

雜錄

十三

人家喪中必作佛事通俗皆然有心知其非者亦耻過而作之甚而笙管箏琶侈聲靡漫名曰佛戲喪不哀戚佛不清淨莫此爲甚袁潢力學有年動以昌黎韓子爲師居喪不作佛事雖招衆尤不恤也以此立教垂乎子孫并一切祈禱諛祭之屬屏絕弗爲非識力兼到者其孰能之求之古人中已不少概見矣

里中有兒二三歲時儕輩嬉戲偶括墻土屑而食之不果食也而是兒則欣然就食無遺旣而漸拾土塊以食之又取黑炭瓦礫以食之并取磚甃以食之濺齒格格有聲無不下咽父母禁之不能後亦聽之有啼哭輒取土塊或磚瓦予之則欣然而食他果物不喜

食也逾歲痘傷不知其所稟如何也

袁棟嘗得一銅雀硯形制如常竝不類瓦直是磚甃但紋理極細腹有七字曰大魏興和二年造字甚古樸額有元柯九思一銘云土以成質金以成聲陶於水火得石之精藏之山堂永壽吾銘筆亦遒勁興和乃東魏孝靜帝紀年雖非銅雀真瓦已是古物中有微凹聚水不涸且可隆冬不凍宜乎柯之寶而銘之也里中有楊子三者以教授爲業老而無子積累館穀置存字圩田六畝分畀諸門人曰吾死汝等以爲祭掃之資歷今三四世不替俗稱先生墳在柅字圩

本分田文契

乾隆二十年冬月夜間同里一方田野湖濱火光如炬

同里志

卷二十一

雜錄

十四

有人馬舟幟之形村人鳴鑼競逐始疑盜起乃聚散無常方知爲陰兵也彌月方息明年春夏之交疫病大起死者無筭

乾隆二十四年同里地名四大壩田中一日雷震田塍中有米飯如新煮者

乾隆四十七年正月同里村鎮見堅冰於樹枝日出時望之如水晶枝也占云木生介行人怕是年春熟歉收

乾隆五十年同里大旱米極貴木工有製戽斗劈開楊樹材內函太平二字是木滋結成者上舍朱錦繡見而異之出錢十貫易之供於祠堂中以招福曜云

嘉慶戊午白蓮菴旁民家生一犢牛兩首八足兩尾一身尋斃

嘉慶癸亥二月開市河深尺餘港底露出古井二口一在陳氏侍御坊前上蓋石皮啓視磚砌完好泉水湧出磚上燒成宋元祐元年字樣陳兆駮撰古井記其事後仍覆之如初又一在南濠街西首草菴前上亦蓋以石啓之中有木刻佛像一尊形似獨立長可二尺卽供於草菴中竝受香火井亦蓋之如前又玉帶橋北浜內得鎖匙一串并古錢文數貫卽爲衆搶散

項濬字虞升號讓堂邑諸生力

醫性嗜酒好

同里志

卷二十一

雜錄

十五

吟咏臨絕有口占二律卅年博得一衿華此後迍邐多怨嗟虛使書名隨腐草空餘醫篋莖飛花尚畱淺土憐宗祖未有茅椽 自分一毛何足惜許多豪淚洒蓬蔴四十九年無善狀不堪家累摠蹉跎一經未有傳人在五女旋教乞市過辜負親朋施德厚從今結草報恩多荆妻累爾添籌畫茹苦休將怨奈

何

本馬鍾  
芳筆記